



Broj: 01-50-1-15-52/09
Sarajevo, 30. aprila 2009. godine

DOM NARODA
PARLAMENTARNE SKUPŠTINE
BOSNE I HERCEGOVINE

PREDMET: O b a v j e š t e n j e

Predstavnički dom Parlamentarne skupštine BiH održao je 52. sjednicu 29. aprila 2009. godine. Obavještavamo vas o razmatranju materijala koji su u nadležnosti i Doma naroda. Razmatrani su materijali kako slijedi:

1. Prijedlog zakona o izmjenama i dopunama Zakona o finansiranju institucija BiH (drugo čitanje);
2. Prijedlog zakona o advokaturi BiH (drugo čitanje);
3. Prijedlog okvirnog zakona o osnovama naučnoistraživačke djelatnosti i koordinaciji unutrašnje i međunarodne naučnoistraživačke saradnje BiH (drugo čitanje);
4. Prijedlog zakona o poštama BiH (drugo čitanje);
5. Prijedlog zakona o izmjenama i dopunama Zakona o državljanstvu BiH (drugo čitanje);
6. Prijedlog zakona o postupku zaključivanja i izvršavanja međunarodnih ugovora (prvo čitanje);
7. Prijedlog zakona o kontroli vanjskotrgovinskog prometa roba i usluga od strateške važnosti za sigurnost BiH (prvo čitanje);
8. Prijedlog zakona o akcizama BiH (prvo čitanje);
9. Izjašnjavanje o Prijedlogu revidirane strategije Bosne i Hercegovine za provođenje Aneksa VII. Dejtonskog mirovnog sporazuma i o zaključcima proisteklim iz rasprave usaglašenim u nadležnoj komisiji;
10. Godišnji izvještaj Centralne banke BiH za 2008. godinu;
11. Finansijski izvještaj Centralne banke BiH za 2008. godinu;
12. Izvještaj o aktivnostima Ureda za reviziju institucija BiH za 2008. godinu;
13. Izvještaj o utrošku sredstava Predsjedništva BiH za 2008. godinu;
14. Izvještaj o radu Državne komisije za reviziju odluka o naturalizaciji stranih državljana u BiH za period od 1.1.2008. godine do 16.2.2009., s prijedlogom zaključaka;
15. Izvještaj o radu i Finansijski izvještaj Agencije za poštanski saobraćaj BiH za 2008. godinu;
16. Izvještaj o radu Upravnog odbora Izvozno-kreditne agencije BiH za 2008. godinu;
17. Izvještaj Privremene zajedničke komisije za utvrđivanje stare devizne štednje građana BiH položene na račune domicilnih banaka i filijala u BiH;
18. Imenovanje tri člana u zajedničku komisiju oba doma radi usaglašavanja teksta Zakona o Agenciji za pružanje usluga u zračnoj plovidbi;
19. Imenovanje tri člana u Zajedničku komisiju oba doma radi usaglašavanja teksta Zakona o izmjenama i dopunama Zakona o državnoj službi u institucijama BiH.

Ad .1.

Predstavnički dom je u predloženom tekstu usvojio Prijedlog zakona o izmjenama i dopunama Zakona o finansiranju institucija BiH.

Ad. 2.

Prijedlog zakona o advokaturi BiH odbijen je u drugom čitanju.

Ad. 3.

Prijedlog okvirnog zakona o osnovama naučnoistraživačke djelatnosti i koordinaciji unutrašnje i međunarodne naučnoistraživačke saradnje BiH usvojen je u drugom čitanju, sa sljedećim amandmanima:

Amandman I.

U članu 1. iza riječi: „unutar Bosne i Hercegovine“ dodaju se riječi: „njihovo finansiranje“.

Amandman II.

U članu 8. u stavu (3) riječ „susretnog“ mijenja se riječju „koordiniranog“, a nakon riječi „planiranja“ briše se tačka i dodaju riječi: „i aktivnosti Ministarstva civilnih poslova BiH, entitetskih i kantonalnih ministarstava“.

Amandman III.

U članu 8. u stavu (4) koji postaje stav (3) riječ „saglasnost“ mijenja se riječju „mišljenje“.

Amandman IV.

U članu 11. u stavu (2) u tački b) riječi: „daje doprinos izradi“ mijenjaju se riječima: „učestvuje u izradi“.

Amandman V.

U članu 11. u stavu (1) u tački m) riječ „jednoglasno“ mijenja se riječju „konsenzusom“.

Ad . 4.

Usvojen je zaključak da se odgodi rasprava i izjašnjavanje o Prijedlogu zakona o poštama BiH radi davanja mogućnosti za podnošenje amandmana u skladu s članom 118. stav (3) Poslovnika Predstavničkog doma.

Ad. 5.

Prijedlog zakona o izmjenama i dopunama Zakona o državljanstvu BiH usvojen je u drugom čitanju s dva amandmana sljedećeg sadržaja:

Amandman I.

U članu 2. Prijedloga zakona, koji se odnosi na član 41. Zakona, dodaje se novi stav 8. koji glasi: „ 8. U reviziju izdatih državljanstava ne mogu biti uključeni zaposleni u Ministarstvu civilnih poslova, koji su na bilo koji način ranije bili uključeni u proces izdavanja državljanstava, koja su predmet revizije.“

Amandman II.

U članu 3. Prijedloga zakona, koji se odnosi na član 41a. stav (2) Zakona, riječi: „1.mart 2011.“ zamjenjuju se riječima: „1.mart 2012.“.

Ad. 6., 7. i 8.

Predstavnički dom usvojio je u prvom čitanju:

- Prijedlog zakona o postupku zaključivanja i izvršavanja međunarodnih ugovora,
- Prijedlog zakona o kontroli vanjskotrgovinskog prometa roba i usluga od strateške važnosti za sigurnost BiH i
- Prijedlog zakona o akcizama BiH.

Ad. 9.

Prilikom glasanja Prijedlog revidirane strategije Bosne i Hercegovine za provođenje Aneksa VII. Dejtonskog mirovnog sporazuma nije dobio entitetsku većinu, pa slijedi usaglašavanje u Kolegiju Doma kao komisiji.

Ad. 10., 11., 12. i 13.

Predstavnički dom je usvojio:

- Godišnji izvještaj Centralne banke BiH za 2008. godinu,
- Finansijski izvještaj Centralne banke BiH za 2008. godinu,
- Izvještaj o aktivnostima Ureda za reviziju institucija BiH za 2008. godinu i
- Izvještaj o utrošku sredstava Predsjedništva BiH za 2008. godinu s mišljenjima nadležnih komisija o ovim izvještajima.

Ad. 14.

Predstavnički dom usvojio je Izvještaj o radu Državne komisije za reviziju odluka o naturalizaciji stranih državljana u BiH za period od 1.1.2008. do 16.2.2009., s Mišljenjem nadležne komisije i zaključcima sadržanim u Mišljenju.

Ad. 15. i 16.

Predstavnički dom usvojio je:

- Izvještaj o radu i Finansijski izvještaj Agencije za poštanski saobraćaj BiH za 2008. godinu i
- Izvještaj o radu Upravnog odbora Izvozno-kreditne agencije BiH za 2008. godinu.

Ad. 17.

Usvojen je Izvještaj Privremene zajedničke komisije za utvrđivanje stare devizne štednje građana BiH položene na račune domicilnih banaka i filijala u BiH sa zaključcima predloženim u Izvještaju i Ispravkom koju je naknadno dostavila Komisija.

Ad. 18.

U Zajedničku komisiju radi usaglašavanja teksta Zakona o Agenciji za pružanje usluga u zračnoj plovidbi imenovani su: Husein Nanić, Branko Dokić i Slavko Matić.

Ad. 19.

U Zajedničku komisiju, u vezi sa Zakonom o izmjenama i dopunama Zakona o državnoj službi u institucijama BiH, imenovani su: Remzija Kadrić, Milica Marković i Martin Raguž, uz zadatak da u roku od tri dana Komisija provjeri da li ima potrebe za usaglašavanjem teksta zakona s obzirom na određene primjedbe na

proceduru usvajanja amandmana u Domu naroda, te ako se utvrdi da ima potrebe, da se izvrši usaglašavanje identičnog teksta spomenutog zakona.

Radi informiranja, obavještavam vas da je Predstavnički dom usvojio u prvom čitanju Prijedlog zakona o parlamentarnom vojnom povjereniku BiH (predlagači: poslanici Šefik Džaferović i Adem Huskić), s obzirom da su u Domu naroda identičan zakonski prijedlog podnijeli delegati Branko Zrno i Slobodan Šaraba.

Također vas obavještavam da je Predstavnički dom usvojio zahtjev Komisije za finansije i budžet Predstavničkog doma za produženje roka za dostavljanje izvještaja o Prijedlogu zakona o javnim nabavkama. Rok je produžen za 21 dan, kako je tražila Komisija.

S poštovanjem,

**PREDSJEDAVAJUĆI
PREDSTAVNIČKOG DOMA
Beriz Belkić**